

Faamālamalamaina o ituaiga o fesoota'iga ma tagata o le COVID-19 (Omicron Tulaga 3)

Faafouina aso 14 Mati 2022



O le a le eseeseega o se tagata ua aafia, ma aiga o se tagata ua aafia?

Tagata ua aafia: O se tagata ua faamaonia ua aafia i le COVID-19 ina ua mae'a ona fai le siaki.

Aiga o se tagata ua aafia: O tagata e nonofo faatasi ma se tagata ua faamaonia le aafia.

Tagata faigaluega moomia: O se tagata e faigaluega i se faalapotopotoga poo galuega mo auunaga moomia. E aafia ai supamaketī, auunaga o le soifua maloloina ma faalavelave faafuase'i, femalaga'iga ma le au faigaluega o faleoloa e sapalaia oloa.

O tagata fesoota'i vā vā lalata, ma tagata sa fesoota'i mo se taimi puupuu ua lē toe i ai se aafiaga i lalo o aiaiga o le COVID-19, PEITA'I e tatau ona mata'ituina ni āuga ma fai le siaki pe afai ua lagonaina le ma'i.



I le Tulaga 3 (Phase 3) o le tali atu i le Omicron, o le ituaiga siaki autu o le a faaaogāina, o le Rapid Antigen Testing (RAT). E mafai ona e maua fua le RAT test ma le PCR test (salo o le puisu) mai soo se Nofoga Tutotonu i le Komīuniti o loo faagasolo ai le faiga o siaki, ma lau Foma'i. A'o tatou i ai i le Vaega 3, o le a mafai ona faatauina mai nei siaki mai fale talavai ma faleoloa. Tuuina i luga le iuga o lau RAT test i le mycovidrecord.health.nz pe vili le 0800 222 478 ma filifili le numera 3.